

Uvod

U uvodnom dijelu ovog rada potrebno je prvo da se upoznamo sa pojmom revizija finansijskih izvještaja i sa tim ko sve u Bosni i Hercegovini podliježe reviziji.

Revizija je postupak provjere i ocjene finansijskih izvještaja i konsolidiranih finansijskih izvještaja obveznika revizije, te provjera podataka i metoda koje se primjenjuju pri sastavljanju finansijskih izvještaja. Na temelju njih se daje stručno i neovisno mišljenje o istinitosti i objektivnosti finansijskog stanja, rezultata poslovanja i novčanih tokova. Revizija finansijskih izvještaja uključuje reviziju Bilanse stanja, Računa dobiti i gubitka, Izvještaja o novčanim tokovima, Izvještaja o promjenama glavnice, te svih ostalih dodatnih izvještaja i dodatnih podataka koji su potrebni za izražavanje mišljenja revizora.

Prema Zakonu o računovodstvu i reviziji FBIH (Službene novine FBIH broj 32/06. od 08.06.2005. godine) obveznici revizije su sve pravne osobe koje imaju javnu odgovornost a to su:

- dionička društva
- društva s ograničenom odgovornošću, komanditna društva i društva sa potpunom odgovornošću čiji godišnji ukupan prihod, uključujući iznos PDV u godini koja prethodi reviziji prelazi 1.000.000,00 KM, ili ukoliko zapošljava 50 ili više radnika, odnosno društva koja imaju JAVNU ODGOVORNOST,
- banke,
- osiguravajuća društva,
- investicijski fondovi,
- mirovinski fondovi,
- brokeri ili dileri dionicama,
- privatizacijski fondovi,
- otvoreni fondovi pravnih osoba za investicijsko bankarstvo,
- druga društva po posebnim propisima,
- povezana društva bez obzira na njihovu veličinu, ako vladajuće društvo podliježe reviziji
- konsolidirani finansijski izvještaji.
- ostali podliježu obvezi revizije u skladu s vlastitim pravilima, ugovorom o osnivanju ili društvenim ugovorom.¹

Cilj ovog istraživanja je da se što bolje i potpunije upoznamo čitavim procesom revizije, počevši od uvodnih napomena o reviziji, tačnije opštih saznanja o reviziji, preko faza revizije pa do krajnjeg „proizvoda“ revizije, pravljenje izvještaja koji sadrži mišljenje revizora o finansijskim izvještajima uprave. U istraživanju ove teme koristit ćemo se uglavnom teorijskom analizom i literaturom koja već postoji u domenu ove oblasti, ali ćemo i tu teoriju pokušati dopuniti praktičnim segmentima koji mogu poslužiti u svrhu izrade ovog rada.

¹ www.reviva.biz